

籌款隊。擬得資建築第二宿舍。樓分四層。與爪哇堂相輝映。全校學生以鍾榮光監督任職最久。出力最多。因名之曰榮光堂。以誌敬仰。

## 李福林軍長籌建之醫院

本校成立以來。即附設有醫院。以便校內員生工役。並贈醫鄰近村人。但規模尙小。不甚完備。自馬應彪先生捐建護養院。佈置適宜。員生稱便。惟未有地方以作鄉人留醫之所。到診者須扶病往還。呻吟道路。李福林軍長耳聞目見。心甚憫之。乃請校醫備一捐冊。由彼向親友籌捐萬元。建一醫院。俾得鄰近鄉留人醫其間。而校內工役。又可在其調治。誠善舉也。

## 歡迎鍾榮光先生彙誌

廣州嶺南大學副監督鍾榮光先生。爲擴充農科大學。特親向海外募捐。所過如北美洲。古巴。巴拿馬。厄瓜多。秘魯等地。大受華僑歡迎。解囊捐助。異常踴躍。鍾先生以秘屬籌款手續業已告竣。遂附輪南來。於廿六日安抵意基忌。本埠中華商會及國民黨分部。日前已接有電報。派出代表多人。往江干迎迓。登陸後。即同乘摩托車往瑞西大旅店。飯後。各代表隨

同鍾先生往拜候各社團。各大商店。是晚受中華商會之歡迎。

（中華商會）廿六晚九時。中華商會代表全僑開會歡迎鍾先生。蒞會者座爲之滿。會長馬偉桐君宣佈開會理由。書記黃祥經君讀歡迎詞。隨請鍾先生演說。鍾君演說幾一時之久。語語誠摯。聽者動容。李勵予君繼起演說。將鍾先生之抱負。及南來之宗旨。一一發揮致盡。演畢因時已夜午。遂散會。

廿七晚九時。鍾先生將携來之廣州風景。嶺南大學及農科大學之影片。在中華商會影演。僑胞蒞會參觀者二三百人。實爲空前未有之盛會。影演既竟。中華商會首倡助欸。慨捐美金四千元爲各界倡。在座僑胞。以次認捐。計認捐一千元者有葉少生君。五百元者。有梁品三君。徐昌君。（徐君爲土生子。足跡未履中國。竟能慷慨捐助。殊可嘉也）其餘捐助一百數十元甚多。認捐已畢。遂由鍾先生伸謝而散。

（同盛會館）廿八晚鍾先生就同盛會館歡迎會。主席謝君九皋如儀宣告開會畢。鍾君乃作單簡之演說。隨開影各影片。影已循例開捐。當席捐助者亦甚踴躍。

(忠勇商會)廿九晚忠勇商會繼開歡迎會。總理宣佈開會。書記致歡迎詞。後。鍾先生如儀答謝。即開演各種影片。因有西人多人座在。遂由甘俊賢君用西語加以解釋。中間有某西人起立演說。極稱中國爲世界文明先進國。及改革後進步之神速。於鍾先生之苦心孤詣。尤表無限之同情。是晚各僑胞之未認捐者。均爭先落筆。直至十二時許。始歡呼而散。

(國民黨分部)本埠國民黨分部以鍾先生爲黨中健者。特於卅號晚間九時。開會歡迎。藉親黨誼。並簡請領事商會總理諸君作陪。屆時羣賢畢至。主席吳盛墀君宣佈開會。書記梁杰鴻致歡迎詞。隨請鍾先生演說。鍾君發言歷一時之久。對於黨員多所勉勵。尤注重於歡勉各同志努力與僑界合作。共做社會工夫。語語中肯。黨員大爲感動。演畢遂羣赴茗會。席間李勵予梁杰鴻兩君復各起立發揮。直至將十二時。始盡歡而散。

關於捐款進行。中華商會派出鍾鴻應吳盛墀甘俊賢三君。隨同鍾先生沿門勸捐。聞捐款尙頗踴躍。鍾先生定今日巡遊硝山各埠。隨行者。爲洪向辰李勵予兩君。硝山各埠華僑。素富於愛國心理。知必能努力捐助。使鍾先生之偉大計劃早底於成也。